

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

1957

Bosnia and Herzegovina
Federation of Bosnia and Herzegovina

CANTON SARAJEVO
Cantonal Administration for Inspection Issues

19-03-2021

01	04	6550-22
----	----	---------

roj: 14-02-04-01384/21
Sarajevo, Mart 16. 2021. godine

SKUPŠTINA KANTONA SARAJEVO
(Na pažnju, predsjedavajućeg, Elvedina Okerića)

PREDMET: *Odgovor na zastupničko pitanje broj: 01-04-6550-35/21 od 04.03.2021. godine postavljeno od strane zastupnice Jasmine Bišćević-Tokić- dostavlja se;*

VEZA: *Zastupničko pitanje broj: 01-04-6550-35/21 od 04.03.2021. godine*

Vašim aktom broj i datum veze, zaprimljen dana 10.03.2021. godine, dostavili ste na nadležno postupanje Kantonalnoj upravi za inspekcijske poslove Kantona Sarajevo, zastupničko pitanje koje je uputila zastupnica Jasmina Bišćević-Tokić na 33. Radnoj sjednici Skupštine Kantona Sarajevo a koje glasi:

"Upućujem zastupničko pitanje Kantonalnoj upravi za inspekcijske poslove Kantona Sarajevo i KJKP GRAD da li se naložene epidemiološke mjere poštuju u vozilima GRAS-a obzirom da smo svjedoci svakodnevnih gužvi u tramvajima, trolejbusima i autobusima, kao i da se distanca od dva metra ne poštuje?"

U odnosu na postavljeno pitanje, dostavljamo slijedeći

ODGOVOR

Kantonalna uprava za inspekcijske poslove Kantona Sarajevo (u daljem tekstu KUIP) poduzela je sve radnje i mjere u cilju adekvatnog odgovora epidemiološkoj situaciji usljed pandemije izazvane koronavirusom, od preraspodjele radnog vremena Inspektorata sanitarne, zdravstvene i farmaceutске inspekcije i inspekcije za hranu, kroz rad u dvije smjene s ciljem stalnog prisustva inspektora na terenu, do donošenja **rješenja o preraspoređivanju inspektora** iz drugih upravnih



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

oblasti da obavljaju poslove kantonalnog sanitarnog inspektora s ciljem pojačanih inspeksijskih nadzora na terenu, obzirom da je **potkapacitiranost** Inspektorata sanitarne, zdravstvene, farmaceutske inspekcije i inspekcije za hranu kao ključnog inspektorata u čijoj nadležnosti je nadzor nad primjenom Zakona o zaštiti stanovništva od zaraznih bolesti, u pogledu potpunosti radnih mjesta (12 inspektora s glavnim inspektorom, od čega pet sanitarnih i dva zdravstvena inspektora) u odnosu na sistematizirani broj radnih mjesta (23).

Sanitarni inspektori raspoređeni u dvije smjene, svakodnevno vrše nadzore na terenu (uključujući i dane vikenda) i u javnom gradskom prevozu uz asistenciju MUP-a KS, koji se odnose na kontrolu poštivanja naredbi donesenih od strane Kriznog štaba Ministarstva zdravstva Kantona Sarajevo, Kriznog štaba Ministarstva zdravstva FBiH kroz zaključke Vlade KS i Vlade FBiH i postupanja prema donesenim preporukama Zavoda za javno zdravstvo FBiH za rad javnog prevoza u kontekstu Covid-19 kao i člana 3. Zakona o zaštiti stanovništva od zaraznih bolesti ("Službene novine FBiH" broj 29/05), vezano za zaštitu stanovništva od zaraznih bolesti.

Predmet kontrole:

- da li su postavljene obavijesti o mjerama i ograničenjima u kontakstu Covid-19,
- da li vozač koristi zaštitnu masku preko usta i nosa,
- da li je osigurano dezinfekciono sredstvo za dezinfekciju ruku i radnog prostora,
- da li je postavljena fizička barijera između vozača i putnika (od plexiglasa ili slično) ili se prvi red sjedala iza vozača ne koristi za prevoz putnika,
- da li je obezbijedena distanca između sjedišta (da li su označena mjesta za sjedenje koja se ne koriste),
- da li u momentu nadzora putnici nose zaštitne maske,
- ukupan broj putnika u vozilu,
- da li se poštuje propisana fizička distanca (1 m),
- način provođenja redovnog čišćenja i dezinfekcije prevoznog sredstva,
- da li je obezbijedeno prisustvo Covid redara (od 4.3.2021) u vozilu sa ciljem osiguranja pridržavanja mjera.

Važno je napomenuti, da su zbog pogoršanja epidemiološke situacije, samo u mjesecu martu zaključno sa 16.03. 2021. godine kantonalni sanitarni inspektori, ulažući maksimalne napore, uz angažman svih raspoloživih kapaciteta, pored ostalih subjekata nadzora, izvršili 337 inspeksijskih nadzora u vozilima javnog gradskog prijevoza, oba prijevoznika (sve vrste vozila).

Cijeneći i razumijevajući potrebe građana Kantona Sarajevo za javnim prijevozom, upravo to su razlozi da su se inspektori Kantonalne uprave za inspeksijske poslove Kantona Sarajevo, kojima je najjednostavniji način primjeniti represivne mjere, umjesto prekršajnih naloga opredijelili prijevoznicima u Kantonu Sarajevo izdavati rješenja sa korektivnim mjerama, uz kontinuirane kontrole na terenu.

Radi utvrđenih nepravilnosti je izdato je ukupno 164 rješenja o otklanjanju utvrđenih nepravilnosti i nezakonitosti.

Kako se situacija na terenu i u vozilima nije mijenjala, odnosno kako rješenja sa korektivnim mjerama nisu dala rezultate, započeto je i sa represivnim mjerama.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb


S tim u vezi, u istom periodu izdato je 50 prekršajnih naloga u ukupnom novčanom iznosu od 87.500,00KM (32 prekršajna naloga/56.000,00KM KJKP GRAS d.o.o. Sarajevo i 18 prekršajnih naloga/31.500,00KM Centrotrans d.d. Sarajevo).

Utvrđene nepravilnosti koje nisu ispoštovane su: prekobrojnost putnika u vozilima javnog prevoza, kršenje propisane fizičke distance između putnika i nije obezbijeđeno prisustvo Covid redara u vozilima, a ostale naložene mjere su ispoštovane.

Na kraju ističemo da Kantonalna uprava za inspeksijske poslove KS crpi sva pravna sredstva, od stalnog prisustva na terenu, izricanja preventivno-korektivnih mjera i konačno represivnih mjera, čiji je isključivi cilj da subjekti nadzora osiguraju uspostavljanje propisanih mjera od strane kriznih štabova, kako bi se njihovom adekvatnom primjenom spriječilo širenje infekcije koja ponovo uzima maha u Kantonu Sarajevo i kako bi zaštitili javni interes.

Ističemo, da su tri inspektora koji su obavljali poslove sanitarnog inspektora u javnom gradskom prijevozu pozitivna te da trenutno imamo 17 pozitivnih i 21 uposlenika u izolaciji, što praktično predstavlja gotovo 50% ljudskih resursa.

S poštovanjem,


DIREKTOR
Mt. Fahir Halilović

Dostavlja se:

- ① *Predsjedavajući Skupštine KS*
2. *Sekretar Skupštine KS*
3. *Sekretar Vlade KS*
4. a/a



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb